

藥師本願經  
講記  
太虛大師講

藥師本願經  
講記  
太虛大師講

## 緣起

### 一 近人學佛注重現生應用

人生在世之大事，莫過生之與死，而最難解決之問題，亦唯生死而已矣。是以諸佛興世，無非將自己所證知的如何解決生死問題之經驗與方法，宣揚開示，使一切衆生依之實行，而得解決人生最難解決的生死問題。如釋迦世尊之降生爲娑婆教主，應此界之機，示現成佛說法等事；其所爲之目的，即使吾人由之而對生與死之問題獲得相當的或究竟的解決辦法。故吾人稱釋迦爲本師，通常皆目之爲「三界導師，四生慈父」，凡佛弟子，皆奉爲根本之師，亦以現今世上所流傳之佛法，皆導源於釋迦佛也。但中國諸大叢林之大雄寶殿中皆供三佛：中供釋迦，其左右兼供藥師與彌陀者，正顯釋迦在此界爲主中

主，藥師、彌陀爲主中賓。主中主者，乃如如不動之無爲妙體，雖無爲而無不爲，一切諸法莫不依止此，一切作爲咸皆歸向此，故能達生死本空而究竟解脫者，即爲主中主而更不須他求。然對世界衆生之未了生死者，從如如不二之妙體中，開出藥師與彌陀之兩大法門：將濟生之事，付與東方之藥師；度死之事，付與西方之彌陀。蓋東方位四方之首，居四季之春，生長萬物，故資生延壽之事屬之。西方位四方之三，居四季之秋，萬象蕭條，故救死度亡事屬之。是知藥師、彌陀，乃從此界釋尊全體所起之大用，雖有消災度亡之別，攝用歸體，咸不外乎無爲而無所不爲之釋迦佛；而體用別論，亦不妨列有三佛也。中國自唐宋以來，於佛法注重救度亡靈或臨終往生，偏向彌陀法門，故以彌陀法門，最極弘盛。中國人有不知釋迦與藥師之名

者，而彌陀則人人皆知，可見唐宋後之中國佛教，偏於度亡方面，信而有徵矣。由此之故，社會人民往往有認佛教爲度死人之所用，死後方覺需要，而非人生之所須，是甚昧於佛教之全體大用。近年以來佛教漸普及於中國現社會各界人士中，種種經營建立佛教之團體，且依之修學者，不乏其人，尤其注重於應用到現代社會之新佛教精神，如辦佛教孤兒院，義務學校，施醫所等社會公益事業，改善家庭社會之生活，使一般人於現生中得佛法之益。過去偏重於薦魂度鬼之佛教，已一變而爲資養現實人生之佛教矣。然此資生之佛教，即爲釋迦付託與藥師之法門，而說明在此經中者，此於過去專重度亡之佛教，有補偏救弊之功能，尤合於現代人類生活相資相養之關係，故今有講此經之需要。但人生依是藥師彌陀二佛，對於生死二事雖得

相當辦法，然究竟辦法，仍在直達如如不動之主中主釋迦佛。此即真如法界，人人本具，各各不無之天真佛也。若能契會於如如理，則真如境內，本無生佛假名，平等慧中，何有自他形相，涅槃生死，等同空花，是則第一義諦中尚覓生死了不可得，何有生死大事之欲待解決耶？良以無始不覺，飄墮於如夢幻泡影之生死海中，旋轉無已，此諸佛所以出世，佛教所由建立也。由是而體達生死本空，了不可得，固毋須向外他求；若或生存之欲求未盡，則須仗藥師法門而消災除難，成就福壽，即此人生，可得無上利樂。如由父母妻子之相資相生，即成家族，由各個家族相助相養，即成社會，由維持社會秩序，即成國家，乃至諸國互濟相資，即成全人類世界。不但此也，即宇宙間之形形色色，動物植物，皆有相生相養相資相成之關係，而構成有

情與器世間也。

復次，世界既有成住壞空，則衆生棲息其中，亦有生老病死，死生生死，生死流轉，故無生而不死或死而不生者，所謂「死者乃生之始，生者乃死之終」，正明生死不斷。而生時即有父母，妻子，朋友，家族，社會種種關係，若能依此消災延壽之法門，作種種資生之事業，則生之問題解決矣，然死後須隨善惡業因，昇沉于天上人間鬼畜地獄，若依出世三乘教法修行，即得超越輪回六趣，或依彌陀法門而得生淨土，則死之問題解決矣。故人生時則有相資相生之關係，依佛教法，得消災延壽之益；臨命終時，則轉生善道，或往生淨土，乃至六親眷屬，廣作佛事，水陸空行，超度亡靈；而人世之生死一大事均有辦法矣。故於釋迦佛法中，濟生之事，須藉此經，度死之事，乃屬彌

陀等經。今欲將唐宋以來偏重度亡之佛教，變為適應今日現實人生之佛教，以逗近人學佛注重現生應用之機宜，乃提倡講演此經之第一因緣也。

## 二 中國名東震旦土即為東方世界

藥師佛所住之東方琉璃世界，乃以此娑婆世界為標準而言。謂從此界東去經十萬菟伽沙（恒河沙）世界，有一國土，名淨琉璃，其佛名藥師琉璃光。此以佛眼視之，十萬菟伽沙世界外之世界，亦猶吾人視法堂前之舍利殿耳；而在凡夫觀來，渺渺茫茫，不可捉摸，非特想像不能及，即言說文字亦莫能到，入於不可思議矣。但依佛法而隨順凡夫心量，不妨將廣大之事，縮小而說。假如以釋迦佛降生之中印度，當為娑婆世界，則從中印度經東印度及諸小國，而至東震旦土，（亦譯支那，天竺，



身毒，真丹。震旦者，八卦東方曰震，東方日出曰旦，皆符萬物生長義。則東震旦土即可視同東方琉璃世界也。不但此也，即此世界人類之思想，文化，道德觀之，吾人所居之東震旦土，亦與東方琉璃世界之藥師法門相符。蓋吾中國之思想文化，如孔，孟，老，莊等學說，及堯，舜，湯，武，周公等古聖先賢，皆重於人生道德，修養，修身，齊家，治國，平天下等，皆現生之事。若由中印度而西之天方，猶太，埃及，希臘，羅馬等古國視之，就其所倡之摩西，基督，回回等教，說世界人類為上帝所創造，人生在世無別事，只求死後回復到上帝之天國，故其對現實人生更不求辦法，唯一之目的，在求上帝哀憐早生天國，故皆偏重於死事。由此將範圍縮小觀之，以中印度為娑婆，由中印度而東至震旦土，宛然東方之藥師琉璃世界也。且其注重資生事

業，尤皆與藥師淨土極相符合；中印度而西至猶太羅馬等，偏於度死之事，正近似於西方極樂世界之往生法門。由是觀之，今東方中華民族之東震旦國，其民族性，及古聖先賢之道德文化，皆與琉璃世界之藥師法門相宜，乃提倡講演此經之第二因緣也。

### 三 依藥師琉璃世界建立新中國及人間淨土


依據前一義以合明之，謂此藥師經中，釋迦佛說，東方有琉璃世界，其世界有藥師琉璃光如來，其世界如何嚴飾，其佛因地時如何發大願利樂有情而得此報，乃至於中，有日光月光等菩薩住其中。若近攝之爲東震旦土，即可視爲現今中國人民之理想國。如何實現此理想國？則佛教中所謂「三界唯心，萬法唯識」，依吾人心理中所想像之琉璃世界爲模型，如工程師

之先有計劃圖樣，依之而施建築工作，則此東震旦土，亦即可成爲琉璃世界。故願吾國人民，應以琉璃世界爲理想國，定爲趨向之標準，依藥師之本願，而發願，使將來世界如何如何，集修衆行，則因圓果滿，琉璃世界實現匪遙矣。再推廣言之，以今世交通所及之地球人類，概依藥師如來如何發願修行而成琉璃世界之方法行之，則人類之理想世界，亦不無實現之希望也。故今日之學佛者，應將藥師如來，如何發願修行之方法牢記於心，孤掌難鳴，衆擎易舉，集衆人之力量，方可轉此污濁娑婆爲清潔琉璃也。以今日重重困陷於水深火熱中之中華人民，尤宜急依此法，以求安全之出路，即今全世界人類，鬥爭熾然，人命朝不保夕，亦唯依此藥師消災延生之法，乃能轉禍爲福；則提倡講演此經之第三因緣也。

依此藥師經而作延生法事，雖尚流行於中國，然能講解修行者，則如鳳毛麟角，就吾數十年足迹之所至處，皆未遇見講習此經，今能於此釋迦如來舍利道場之阿育王寺宣講此經，亦誠爲現代佛教中極可紀念之一盛事也。

二十三年，古四月，廿四日，記。

表總目科經本



# 藥師琉璃光如來本願功德經講記

太虛大師廿三年四月  
在甯波阿育王寺講  
竺摩記

今講此經，總分爲四：一釋名題，二稽譯史，三提綱要，四解文義。

## 甲一釋名題(三)

## 乙一分釋(五)

### 丙一藥師

「藥師」者，卽吾人日常所誦之消災延壽藥師佛。藥師乃梵音「鞞殺社窣嚧」之義譯，亦可稱爲大醫王佛。所謂佛爲無上醫王，拔除衆苦，善療諸病，故以藥師爲喻。藥乃世間指爲治病之物，例如藥店中所陳列之藥品。但以佛法言之，不惟人於得病時方喫藥，凡世界衆生，無時不浸在惑業苦之病中，身心充滿諸病。

若身病，則有世俗物藥可治；若心病，則須以法藥之對治。在藥之意義上說，藥是治病之物，若無病，則非藥，故從無病非藥之反面，而顯有種種治病之藥。然亦不外二種：一治身病之物藥，一治心病之法藥。

物藥者，卽世間治身病之藥。中國自神農嘗百草製藥以來，爲物藥之發源。但物藥非唯草木等植物，卽金土炭石等礦物，飛禽走獸等動物，皆爲製藥之原料。吾人試檢店中所製之藥，其要素原料，皆不外乎此礦物、植物、動物之三種。但依藥病之本義言之，則唯病時爲病，藥時爲藥，此屬狹義。若廣義言之，則寒而需衣，餓而需食，倦而需住，困而需行，乃至旅行憊倦，以舟車代步，睡眠來時，以床座歇息；此饑，寒，困，倦等無非是病，此衣，食，住，行等無非是藥。總之，人生之有需要，無非是病，所需要者，無非是藥，故衆生充滿諸病，宇宙萬物莫非藥也。此以普賢菩薩與善財童子之一段問答因緣，更可顯明藥與非藥之意義。一日普賢命善財入山採藥，凡能爲藥之草木，皆可採來。而善財踏徧山岩，徒手而歸。詢之，則言滿山皆

藥，無從採起。普賢又命入山，將非藥者採來。善財依然空手而歸。再詰之，則見滿山，又皆非藥，亦無從採起也。此其從是藥之心視之，故滿山皆藥，從非藥之意看之，故滿山皆非藥。是知藥與非藥，全在醫生之得當與否，得當則砒霜亦可爲藥，不得當則人參亦能死人。故從廣義言藥，雖宇宙萬物皆可爲藥之原料，若不經醫生配製，礦植等物，又皆非藥，藥須經醫生製方配成，方可治病。又藥中復有丸散膏丹等已製成之藥，此卽所謂『祖傳秘方』、『配時雖無人識，良心自有天知』。隨時可以治病者。綜上而知物藥，不外三種：卽有礦植動物等爲藥之原料；以之有按製方配之藥；有丸散膏丹等已成之藥。

法藥亦有三種：一經律論，二五乘，三乘一乘，三陀羅尼。佛依衆生而施設經律，皆爲對治衆生身心之病，衆生墮無明惑，得業報身，充滿諸病，佛說諸經諸律，廣爲醫治；乃至菩薩聲聞結集經律，造論申義，真理重重，法門無邊，取之不盡，用之不竭，亦猶充滿宇宙間之礦植等物，皆爲藥之原料。雖然衆生有八萬四千病，佛說



八萬四千法門，對機施藥，方能治病，故有五乘三乘一乘之教法。五乘，卽人乘，天乘，聲聞乘，緣覺乘，菩薩乘。爲人乘，則施五戒十善之法，對治五逆十惡之病；爲天乘，則施四禪八定等法，對治散心位中諸病。此二乘爲出世三乘之基礎，必經之階梯，故亦說爲五乘共法。推而上之，復說出世三乘共法，使聲聞緣覺，依四諦十二因緣等教法，滅除三毒煩惱，解脫生死病苦。聲聞等所行四諦等法，雖屬二乘，而爲大乘之所共行，故亦曰三乘共法。又爲一類發菩提心，修大乘行之機，遂直施一乘不共之教。佛對衆生之根性差別，而施五乘三乘一乘之法藥，亦猶世俗醫師，對病人而製方配藥也。陀羅尼者，此云總持，總持無量教法；亦云遮持，遮一切惡病，持一切善法。此能治一切病，亦猶物藥中之丸散膏丹，爲祖傳秘方，不可示人。蓋總持咒語，義不可解，且亦無須推尋其義；若能依之修持，身密結印，口密持咒，意密觀想，三密相應，便得遂願所求，解除生死，消滅過患，得大妙用。如此經中之藥師咒，若能依之誦持，亦可消災獲福，有起死回生之功效也。綜上藥與非